



REPUBLIKA E SHQIPËRISË  
Universiteti i Shkodrës "Luigj Gurakuqi"  
Rektorati

Nr. 1310 Prot

Shkodër më 20.05 2020

**Vendim**

Nr 141 datë 20.05.2020

**Për miratimin e rregullores për masat sanitare për minimizimin e riskut nga COVID -19**

Bazuar në ligjin nr. 80 datë 22.05.2017 "Për arsimin e lartë dhe Kërkimin Shkencor në Institucionet e Arsimit të Lartë në Republikën e Shqipërisë "; të Urdhrit të Ministrisë së Shëndetit Publik nr.289 date 04.05.2020 "Për miratimin e Udhëzuesit për masat Covid -19 që duhet të marrin Institucionet Arsimore" dhe në mbështetje të Statutit të USH ,vendimit të Senatit nr.161 date 29.04.2020 "Për Miratimin e Përfundimit Online të Procesit Mësimor të çdo Programi Studimi në USH "Luigj Gurakuqi" për vitin akademik 2019-2020", Rektorati i Universitetit të Shkodrës "Luigj Gurakuqi" në mbledhje online me datën 19.05.2020:

**VENDOSI**

1. Miratimin e rregullores për masat sanitare për minimizimin e riskut nga COVID -19.
2. Ngarkohen për zbatimin e këtij vendimi Administratori dhe Dekanët e Fakulteteve .

Rektori  
Prof. dr. Adevi **BEKTESHI**





REPUBLIKA E SHQIPËRISË

Universiteti i Shkodrës "Luigj Gurakuqi"


Rektorati

**Rregullore**

**mbi**

**Masat Sanitare për Minimizimin e**

**Risikut nga COVID-19**



**Shkodër, 11 Maj 2020**



## Hyrje

Universiteti i Shkodrës "Luigj Gurakuqi", në kushtet e pandemisë nga COVID 19, ka qenë i detyruar të kufizojë disa aktivitete arsimore dhe të adaptojë proceset akademike.

Aktiviteti arsimor është kategorizuar si aktivitet me risk të lartë në planin kombëtar të ri-hapjes së shoqërisë.

Ndërkohë që mbyllja me sukses e vitit akademik kërkon realizimin brenda vitit 2020 të disa proceseve mësimore, përfshirë leksione, praktika dhe provime, është e domosdoshme që të sigurohet kryerja e tyre në kushtet e sigurisë shëndetësore më të lartë të mundshme, për studentet dhe personelin e Universitetit.

Plani i masave të minimizimit të riskut kundrejt COVID-19 për Universitetin e Shkodrës "Luigj Gurakuqi" është në linjë me planin kombëtar të qeverisë së Shqipërisë dhe do të adaptohet në dinamikë, në varësi të fazave të pandemisë dhe njohurive shkencore mbi infeksionin.

Objektivi i masave të përfshira në këtë rregullore është të minimizojnë riskun për infektimin nga COVID-19, përmes praktikave të distancimit fizik dhe dezinfektimit.

Për të gjitha rastet kur është e domosdoshme të kryhet aktiviteti akademik me prani fizike të studentëve duhen zbatuar masat e mëposhtme:



## Shmangia e rasteve të dyshuara

Studentët me shenja të sëmundjes këshillohen të qëndrojnë në shtëpi dhe të informojnë sekretarinë mësimore përmes telefonit. Sekretaria mësimore informon në dekanat për çdo rast të evidentuar (<https://infocoronavirus2019.al/simptomat/>.)

Para hyrjes në godinën kryesore ku zhvillohet procesi i mësimdhënies, personi përgjegjës kryen për çdo individ:

- Verifikimin e temperaturës me termometër dixhital,
- Verifikimin e pajisjes me maskë dhe doreza personale



## Distancimi fizik

Në mjediset e jashtme ruhet distanca prej të paktën 1.5 metra mes studenteve, duke vendosur shenja orientuese dhe duke afishuar informacion të dukshëm.

Në klasë/auditor ruhet distanca prej 2 metra mes studentëve. Nëse numri i studentëve është më i madh se sa hapësira e klasës që do të duhej për të respektuar këtë kusht, mësimi zhvillohet në më shumë se një grup apo klasë.

Përshtatja e orareve lidhur me shtimin eventual të leksioneve do të bëhet në marrëveshje mes departamenteve dhe Dekanatit përkatës.

Departamentet, në bashkëpunim me Dekanatin organizojnë vendosjen e tavolinave dhe shenjave orientuese në përputhje me rregullin e cituar më lart mbi distancën fizike mes studenteve në mjediset e mbyllura.

Ruajtja e distancës fizike të cituar më sipër për mjediset e mbyllura, aplikohet edhe në çdo formë tjetër të komunikimit mes pedagogut dhe studentit, përfshi konsultimet apo provimet.



Studentet në çdo hyrje në mjedisin e mbyllur ku do të zhvillohet aktiviteti mësimor, verifikohen nga personi përgjegjës për temperaturën dhe pajisjen me maskë dhe doreza.

Orari i leksionit, praktikës apo provimit duhet të sigurojë shmangjen e grumbullimit të më shumë se një grupi studentësh në mjedisin e mbyllur ku do të zhvillohet procesi mësimor.

Në çdo mjedis të mbyllur ku zhvillohet leksion, praktika apo provime, afishohen masat e parashikuara në këtë rregullore.

Nuk lejohet asnjë aktivitet tjetër arsimor veç atyre më të domosdoshëm, të përcaktuar në propozimet e ardhura nga departamentet.



## **Mbajtja e maskave dhe dorezave**

Në klasë/auditor dhe në të gjithë mjediset e mbyllura studentët dhe personeli, mbajnë maska dhe doreza (<https://infocoronavirus2019.al/perdorimi-i-maskes/#>).

Në hyrjen e çdo mjedisi të mbyllur afishohet një kujtesë lidhur me mbajtjen e maskave dhe dorezave.



## **Dezinfektimi dhe higjiena**

Personeli dhe studentet dezinfektojnë duart gjatë hyrjes/daljes në/nga klasë/auditor duke përdorur kontenierët e vendosur për këtë qëllim në katin përkatës.

Sipërfaqet e tavolinave në auditore dezinfektohen pas çdo aktiviteti arsimor duke përdorur pajisjet e vendosura në auditorë për këtë qëllim.

Sigurohet ajrosja e vazhdueshme e klasave apo auditoreve, para, gjatë dhe pas aktivitetit mësimor.

Në hyrjen e klasës afishohet një kujtesë mbi dezinfektimin e duarve dhe të sipërfaqeve të tavolinave. (<https://infocoronavirus2019.al/parandalimi/>)



Korridoret e mjediseve ku zhvillohet aktiviteti arsimor pastrohen/dezinfektohen çdo dy orë. Tualetet pastrohen/dezinfektohen çdo 30 minuta. Dorezat, parrmakët dhe sipërfaqe të tjera në mjediset pranë sallës/auditorit ku zhvillohet aktiviteti arsimor, pastrohen/dezinfektohen çdo 2 orë.

**REKTORI**

**Prof. Dr. Adem Bekteshi**

